

ქ. თბილისის მუნიციპალიტეტის საკრებულოს
სახელდებისა და სიმბოლიკის კომისიის სხდომის
ოქმი № 17

12 ივლისი, 2018 წელი
12 :00 სთ

ქ. თბილისი, თავისუფლების მოედანი №2

სხდომას უძღვებოდა: სახელდებისა და სიმბოლიკის კომისიის თავმჯდომარე
თინათინ ნიბლოშვილი

სხდომას ესწრებოდნენ კომისიის წევრები:

მარიკა დარჩია

ანა ლაშხი

თარაშ შურღაია

სხდომა გახსნა კომისიის თავმჯდომარემ თინათინ ნიბლოშვილმა, მან დაადასტურა
კვორუმი და კენჭისყრაზე დააყენა დღის წესრიგი.

დღის წესრიგი:

1. ქ. თბილისში, მთაწმინდის რაიონში, ზვიად გამსახურდიას სახელობის სანაპიროსთან მდებარე უსახელო ქუჩისთვის ჯოვანი სკუდიერის სახელის მინიჭების შესახებ
2. ქ. თბილისში, დიდუბის რაიონში, აკაკი წერეთლის გამზირსა და ალექსი გოგოლაურის ქუჩასთან არსებული უსახელო სკვერისთვის არგენტინის რესპუბლიკის დედაქალაქის ბუენოს-აირესის სახელის მინიჭების შესახებ

1. ქ. თბილისში, მთაწმინდის რაიონში, ზვიად გამსახურდიას სახელობის სანაპიროსთან მდებარე უსახელო ქუჩისთვის ჯოვანი სკუდიერის სახელის მინიჭების შესახებ

მოისმინეს: როგორც ცნობილია, კომისიაში გარკვეული პერიოდის განმავლობაში მიმდინარეობს საქმისწარმოების პროცესი დედაქალაქის ერთ-ერთი ქუჩისთვის იტალიელი არქიტექტორის ჯოვანი სკუდიერის სახელის მინიჭებასთან დაკავშირებით. ამ მოთხოვნით კომისიაში შემოსულია საქართველოს ეროვნული მეცნიერებათა აკადემიის ვიცე-პრეზიდენტის, აკადემიკოს როინ მეტრეველის წერილი.

კომისიის სხდომაზე ჯოვანი სკუდიერის ბიოგრაფიაზე და მოღვაწეობაზე ისაუბრეს და აღნიშნეს, რომ ჯოვანი სკუდიერის შემოქმედების გარეშე წარმოუდგენელია თბილისისა და საქართველოს XIX საუკუნის არქიტექტურის განხილვა. მისი პროექტით საქართველოში არაერთი შენობა-ნაგებობა აშენდა. მათ შორისაა: თეატრი (ოპერის ძველი შენობა), რომელიც იყო პირველი საგანგებო სატეატრო ნაგებობა, არამარტო საქართველოში, არამედ მთელს კავკასიაში, თბილისის საკრებულოს თავდაპირველი შენობა, ქალაქში პირველი კაფე, პირველი საზოგადოებრივი ბაღი, ასევე პირველი ქვის ხიდი მდინარე მტკვარზე, ე.წ. „მშრალი ხიდი“.

როგორც თინათინ ნიბლოშვილმა აღნიშნა, იტალიის საელჩოსთან კომუნიკაციის შემდეგ, კომისიამ სახელდებისთვის სწორედ „მშრალი ხიდის“ მიმდებარედ არსებული უსახელო ქუჩა შეარჩია.

აზრი გამოთქვეს: მარკა დარჩიამ იმ არაერთ ღონისძიებასთან დაკავშირებით ისაუბრა, რაც არქიტექტორის დაბადებიდან 200 წლის იუბილეს მიემდგვნა და მხარი დაუჭირა დედაქალაქში ჯოვანი სკუდიერის ქუჩის არსებობას.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული პირველი საკითხი.

მომხრე - ოთხი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, მთაწმინდის რაიონში, ზვიად გამსახურდიას სახელობის სანაპიროსთან მდებარე უსახელო ქუჩას მიენიჭოს ჯოვანი სკუდიერის სახელი.

2. ქ. თბილისში, დიდუბის რაიონში, აკაკი წერეთლის გამზირსა და ალექსი გოგოლაურის ქუჩასთან არსებული უსახელო სკვერისთვის არგენტინის რესპუბლიკის დედაქალაქის ბუენოს-აირესის სახელის მინიჭების შესახებ

მოისმინეს: თინათინ ნიბლოშვილმა კომისიის სხდომაზე დღის წესრიგით გათვალისწინებული საკითხი წარმოადგინა და საგარეო საქმეთა მინისტრის მოადგილის ხათუნა თოთლაძის წერილის საფუძველზე ზემოაღნიშნულ სახელდებასთან დაკავშირებით ისაუბრა. საქართველო-არგენტინას შორის 25 წლიანი დიპლომატიური ურთიერთობების და იმ ფაქტის გათვალისწინებით, რომ არგენტინის რესპუბლიკა იყო ერთ-ერთი პირველი ქვეყანა, რომელმაც ცნო საქართველოს 1918-1921 წლების დამოუკიდებლობა, კომისიის წვრებმა მიზანშეწონილად მიიჩნიეს და მხარი დაუჭირეს უსახელო სკვერისთვის ბუენოს-აირესის სახელის მინიჭებას.

თინათინ ნიბლოშვილის ინფორმაციით, ნაცვალგების პრინციპის საფუძველზე, არგენტინის მხარე მზადაა ბუენოს-აირესში ერთ-ერთ ქუჩას ან სკვერს მიენიჭოს თბილისის სახელი.

თინათინ ნიბლოშვილმა კომისიის წევრებს მიაწოდა ინფორმაცია, რომ უახლოეს დღეებში მოხდება სკვერის მონახულება საქართველოში არგენტინის რესპუბლიკის ელჩთან ხულიან ლუის ტეტამანტისთან და არგენტინის რესპუბლიკის იუსტიციის მინისტრთან ხერმან გარავანოსთან ერთად.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეორე საკითხი.

მომხრე - ოთხი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, დიდუბის რაიონში, აკაკი წერეთლის გამზირსა და ალექსი გოგოლაურის ქუჩასთან არსებულ უსახელო სკვერს მიენიჭოს არგენტინის რესპუბლიკის დედაქალაქის ბუენოს-აირესის სახელი.

კომისიის გადაწყვეტილებით, ხსენებული საკითხები ინიციატივებად დარეგისტრირდება საკრებულოს წინაშე.

სხდომის თავმჯდომარე

თინათინ ნიბლოშვილი

თ. ნიბლოშვილი

სახელდებისა და სიმბოლიკის კომისიის

სხდომა

12 ივლისი, 2018 წელი

N	სახელი, გვარი	ხელმოწერა
1.	თინათინ ნიბლოშვილი	თ. ნიბლოშვილი
2.	მარია დარჩია	მ. დარჩია
3.	გიორგი ბირბიჩაძე	
4.	ანა ლაშვი	ანა ლაშვი
5.	გულია გოცირიძე	
6.	თარაშ შურღია	თ. შურღია

სახელდებისა და სიმბოლიკის
კომისიის თავმჯდომარე

თინათინ ნიბლოშვილი თ. ნიბლოშვილი